

- T E M P O   L A V I - W -

Ou chwazi fè mizik pou viv, pas ou ka viv yen ki pou mizik:

Sé pou sa ou vin si latè.

Dépi ou wouvé zié lé maten, tout lè ou ka maché dan lari.

An tout kò-w. mizik ka sonnen. Dé twa not, kolé yonn deyè lot.

Adaný ni lémision-w, andidaný ni santiman-w.

Ou plen lespwa, pas ou ni lafwa.

Sé li ka pôtew, sé li ka baïw tempo lavi-w.

*Sa ki pé fèu frisonnen é menm rivé fèu pléré ? Mizik  
Ki pé rasanblé tout ras kon si sé langaj Bondié ? Mizik Mizik...*

An mové jou pé tounen bel, ou pé menm kwè kè ou éternel.

Épi'y ou pa janmen tou sel.

Menm lè ou pa sav ki sa pou di, ou pa ka touvé sa pou ékri.

Pé ni asé épi an mélodi. Nostalji, oben mélankoli.

Ou pé mété adaný an lakansiel santiman.

Sel dan lannuit, oben dan dézawa.

Seten ni an chanté, an bel mizik pou baïw lajwa

*I ka fè lawmé maché, fè révolution lèvè... Mizik  
Pou défann an lidéyal, fè le bien détvi le mal... Mizik  
Sa ki pé fèu frisonnen é menm rivé fèu pléré ? Mizik  
Ki pé rasanblé tout ras kon si sé langaj Bondié ? Mizik Mizik...*

Kè ou éré, kè ou maléré i ni tou sa ki fo'w pou baïw tempo lavi-w.

*I ka fè lawmé maché, fè révolution lèvè... Mizik  
Pou défann an lidéyal, fè le bien détvi le mal... Mizik  
Sa ki pé fèu frisonnen é menm rivé fèu pléré ? Mizik Mizik...*